



**Anthon Frederiksen, Inatsisartunut ilaasortaq, Partii Naleraq
/-Maani**

**Akileraarutitigut akiligassat kinguartitat pillugit § 37 naapertorlugu apeqqut nr.
23, 2018-imeersoq**

Brevdato: 02-02-2018
Sags nr.: 2018-3305

Asasara Anton Frederiksen

P. O. Box 1037
3900 Nuuk

Inatsisartut Suleriaasianni § 37 naapertorlugu akileraarutitigut akiligassat kinguartitat pillugit apeqqutinnut qujanaq. Apeqqutit matuma kinguliani nalunaarneqarlutillu akissuteqarfigineqarput.

Tel. (+299) 34 50 00
Fax (+299) 34 63 50
E-mail: oed@nаноq.gl
www.naalakkersuisut.gl

**1. Suliffeqarfiit akileraarutitigut akiligassaat kinguartitaat ataatsimut katillugit kr.-
inngorlugit qanoq amerlatigippat?**

Akileraarutitigut akiligassat kinguartitat pillugit nalunaarsukkanik aqqissuussaasumik sukumiisumillu suliarineqanngitsut Akileraartarnermut Aqutsisoqarfik paasissutissiivoq.

Suliffeqarfiit ilaannaannit paasissutissat tunngavigalugit nalikilliliinerit siumoortumik naatsorsorneqartut Akileraartarnermut Aqutsisoqarfimmit siusinnerusukkut 3 aamma 3,5 mia. kr.-inut missingerneqarput, akileraarutitigut akiligassat kinguartitanut 1-1,2 mia. kr.-inut naapertuuttut.

**2. Apeqqut siullermi nunami imaanilu suliffeqarfiit akileraarutitigut akiligassaat
kinguartitat qanoq agguarsimappat?**

Akileraarutitigut akiligassat kinguartitat pillugit nalunaarsukkanik aqqissuussaasunik suliaqartoqarsimangippat inuussutissarsiutit assigiinngitsut akornanni taakku qanoq agguataarneqarnerat pillugu paasissutissiisoqarsinnaanngilaq.

**3. Apeqqutini siuliini akileraarutitigut akiligassat kinguartitat piaarnerusumik
akilerneqarsinnaanerat qanoq periarfissaqartinneqarpat?**

Akileraarutitigut akiligassat kinguartitat aqqissuinikkut oqariartaasiuvoq aammalu suliffeqarfiit akiitsunik akiligassaannut aalajangersimasunut tunngassuteqarnani.

Akileraarutitigut akiligassat kinguartitat aallaaviatigut nalunaarsorneqartarput suliffeqarfiup pigisaasat nalilillit aammalu pigisat nalillit naatsorsuutitigut nalingisa akileraarutitigut nalingisa akornanni assigiinngissutitut.

Nunatsinni nunanilu allani taakku assigiinngissuseqartarnerat nalinginnaasuuvoq. Tamatumani pingaartumik pissutsit marluk pissutaapput. Siullermik akileraarutitigut nalikilliliinernut malittarisassat pisariitsuullutillu aqqissuulluagaanissaat suliffeqarfinnut akileraartarnikkut oqartussanut iluaqutaassaaq. Aappasaanik akileraarutitigut nalikilliliinerit pillugit malittarisassat suliffeqarfiit pigisanut nalilinnut nutaanut aningaasaliisinnaaneranunut ikorfartuutaasinnaapput. Suliffeqarfiit annertuumik

aningaasaliisaleraangata tamanna inuiaqatigiit aningaasaqarnerannut suliffissaqarnermullu inerikkiartuutaasartoq ilimagineqarpoq.

4. Naalakkersuisut qanoq iliuseqarsinnaappat akileraarutitigut akiligassat kinguartitat piaarnerusumik akilernerqarsinnaaneranguniarlugu, imaluunniit akiligassat kinguartitat minnerpaaffissaanniitsinniarlugit?

Aningaasarsianit akileraarutit pillugit Inatsisartut inatsisaanni nalikilliliinermut malittarisassat sukannernerulersinnerisigut akileraarutitigut akiligassat kinguartitat annikillisinneqarsinnaapput.

Taamaaliornikkut akileraarutitigut naatsorsuutitigullu nalikilliliinerit akornanni assigiinngissut annikillisinneqarsinnaavoq aammalu ukialuit ingerlaneranni akileraarutitigut akiligassat kinguartitat annikillinerannik nassataqassalluni.

Ukiut ingerlaneranni akileraarutitigut nalikilliliinernut malittarisassat sukannernerulersinnerisigut pisortat akileraarutinit isertitaat amerlisinneqassanngillat. Sukaterinikkulli akileraarutit piffissaq akilernerqarfissaat siuartinneqassaaq.

Akileraarutitigut nalikilliliinerit pillugit malittarisassanik sukaterinissamik isumaliuteqarnernut atatillugu inuussutissarsiutinik ingerlataqartut niuerneramik tunngaveqartumik aningaasaliinissamut kajumissuseerutsinneqannginnissaat pingaaruteqarpoq.

Nalikilliliinernut malittarisassat sukannernerusut inuussutissarsiutinik ingerlataqartut aningaasaliinissanut iluaqutaasussaagaluanut soqutiginninnerat annikillisinneqarsinnaavoq, tamanna siunissaq ungasinnerusoq isigalugu nunatta aningaasaqarneranut akornusiisinnaalluni.

Nunatsinni nalikilliliinerit pillugit malittarisassat ukiuni kingullerni sukaterneqarput aammalu siusinnerusukkut misissuineq malillugu sorpassuartigut nunani avannarlerni allani pissutsit assigalugit.

	Illuutit	Ingerlatsinermit atortut	Umiarsuit	Ingerlaannartumik nalikilliliinerit
Sverige	1,5-5 %	20 imaluunniit 30 %	?	Ukiut pingasut inorlugit atasinnaasut
Norge	2-4 %	20-30 %	14 %	15.000 kr. imal. Ukiut pingasut inorlugit atasinnaasut
Danmark	4-7 %	25 %	12-25 %	12.800 kr.
Savalimmiut	1-7 %	30 %	30 %	20.000 kr.-it missaat
Kalaallit Nunaat	5 %	30 %	10 %	100.000 kr.

Najoqqutarisaq: Attassinissamut inerikkiartortitsinermullu pilersaarut

Akissutit atorsinnaassagitit neriuutigaara.

Inussiarnersumik inuulluaqqusillunga

Aqqaluaq B. Egede